

(نومرو ۳) ۸ ربیع الآخر ۱۳۲۹

پنجشنبه کونلری نشر اولنور

۲۵ مارت ۱۳۲۷

بالجمله محررات نور عثمانیه جاده سنده
الحضاره غزته سی اداره خانه سنده
احسان بك نامنه کوندرملیدر .

شرائط اشترا

سده لکی ممالک عثمانیه ایچون
۳۰ غروش، مصر و ممالک اجنوبیه
ایچون ۷ فرانقدر .

تصوف

صاحب امتیاز و سر محرری
اورفه مبعوثی

شیخ صفوت

مرکز توزین باب عالی جاده سنده
جمعیت کتبخانه سیدر

نسخه سی ۲۰ پاره در

التصوف کله آداب : ابو حفص عمر بن مسلمه
عرفای امتک مقالات عارفانه لرینه تصوفک صحیفه لری آجیقدر

تصوفه متملق مباحث شادن باحث و مکارم اخلاق - الامیتک تعمیغه خادم مجله "معنویه در

انسانك قلی عرش اعظمی، دمانی کرسی، حواس
مجموعه سی دخی ملائکسی درک بونلرک اطاعتلری مقتضای
فطر تلریدر. اعصابی دخی سهاوانی، یارمقرنده کی قوت
وقدرت ایسه عالم اجساد اراسنده مرکوز اولان طبیعت
مسخره سی، خزانه تغذیاتی ده لوح محفوظلر. وادی
اعتبار و عبرتده بوموازنه حکمتک اسرار لدنیسی تدقیق
و تعمیری ایدلدیگه. (من عرف نفسه فقد عرف ربه) جمله
جمله سی انسانی شاهراه حقیقه ارشاد ودالات ایلر.

ایشته نظریات و محسولات فکریه نك منتهای غایاتی
وطائفه علیه صوفیه نك مبدأ مجاهداتی بوراسیدر. بوشاهراه
معالیده حقیقت یین وواصل سرحد یقین اوله یلمک
مجاهدات مردانه نتیجه سنده مواهب ربانیه دن استفاضه
ایدیله جک معارف غیبیه وابسته در. (وما خلقت الانس
والجن الا ليعبدون) ایت کریمه نده (الا یعبدون) جمله سنک
(الایعرفون) ابله! تفسیر بیورلمش اولمسی ده، سارف
مذکوریه ناظر در. بو آیت کریمه نك سرعظیمی: انحق
همت عالیه انسانیه ایله سیر وسلوک قابوسندن ایچرو کیرمک
و علملا و عملا حدود شرعیه دائره سنده نازین حقیقی
جست وجو ایتک صورتیه ساسخه بخش عرفان اوله ییلر
یالکز نظریات مذکوریه نوع بی آدمک نقدر علوی
بر مخلوق مکرم اولدیفنی کوستر یورک: انتخاب عزم و همت
ایچون بک مؤثر بروسیله شوق و غیرت در.

معراج عارفین

سلطان کونین و ادریکه بیرای قاب قوسین علیه الصلوات
والسلام اقدمز حضرتلرینک بوعالم قانیده یکنه قره العین
رسالتناهی لری نماز ایدی. بو آیین بهین اسلامیت: معراج
اقدس احمدینک بزم انسانس احدی سندن ملت معظمه
اسلامیه نامه احسان بیوریلان بونحنه کرا نه پای لاهوتیدر.
نماز: هر بر صاحب ایقان دعر فالتک سرتاج انبیاچی و وسیله
اقترب و معراجیدر. بونحنه ربانیه ارباب ذوق و شوق
معشوقه وجدان و روحی واهل بصیرتک معارج روحانیه
و جسمانیه ده کلاه نور و قو حیدر. بنابرین بونحنه والای

و کلام صفاتیله توصیف ایتک تشبیهی مستلزم اولدیفنی کی
روحی جهت و مکندن تنزیه ایتک ده بویله در چونک بونلر
اخص وصف الهی دکلدر. روح انسانی جواهر مکانه دن
دکل ایسه ده هر حالده حقائق امکانیه دندر جناب واجب
الوجودک اخص وصف ربانیسی: سرایا عالم امکان وجود
و قیامتک ذات اقدس الوهیه له موجود و قائم اولسیدر که:
بو قیومیت مقدسه انحق جناب کبریاه مخصوصدر.

مناسبت مذکوره روحانیه (ان الله خلق ادم علی
صورته) و روایت اخراده (علی صورة الرحمن) حدیث
حقائق بیانیه دخی مؤید و مبرهندر. صورت کله سی
محسوس و معقول اراسنده بر اسم مشترکدر. اشکالک
ترکیبانه صورت محسوسه و معاینک ترتیبانه صورت
معنویه دنیلر. حدیث نبویه بیان بیوریلان صورت:
صورت معنویه در. بو صورت معنویه روحک ذاتنده
وصفات و افعالنده تجلیدر. روح انسانی بوجه مشروح
کندی ذاتنده جسمانیت ایله جسمانیتک اوصاف و عوارضندن
میرادر. صفاتنده دخی حیات، علم، سمع، بصر، قدرت، ارادت
کلام اوصاف ممتاز منسی جامعدر. افعاله نکلجه فعل انسانی
مبدئی اراده سیدر که بونک اثری اولا قلبنده نمایان اولور.
بورادن ده روح حیوانی واسطتیله دماغه ودها صوکره
اعصابه و اعصابندن دخی عضلاته متعلق بولان اوتاره
سرایت ایدر و اوتار مذکوریه بر انخذاب طبیعی ایله حرکت
باشلار. بو حرکت واسطه سیله مثلا پارمقلر و بونلردن قلم
و مرکب و ورقاره اوزرنده اهتزازه کله رکه اولجه خزانه
تخیله جریان ایدن تصور اوزرینه نفوش مختلفه ظهور
ایلر. بوکاره صنع اوزرنده افعال ربانیه عین بصیرتیه
تماشا ایدیلر ده اراده الهیه نك تعلقی اوزرینه ملائکه کرامت
اطاعتی، افلاک و سماواتک و قوانین طبیعیه نك حرکات
و وساطتی ایله نباتات و حیواناتک احداث و ایجاد نظر
امعانه الیزسه انسانک کندی عالم اصغر نده جریان ایدن
تصرفاتی: جناب خلاق ییچون و فرما نقرمای کن فیکونک
عالم اکبر اوزرنده جاری بولان تصرفات عظیمه الهیه سندن
بر نمونه نمای عبرت اولدیفنی اشکار اولور.

خدمه تدبر . بونلرك احاطه سنده عقول بشریه حقیقه قاصر در .
 شو درجات علویه متسلله (و فوق كل ذی علم علم)
 نص کریمی موجبیه فضای برین تر قیده دوام ایله نور الانوار
 و مسبب الاسباب و مبدأ الكل تعالی و تقدس حضر تلیزیه
 متبیدر . ایشته بوسلسله علویتك درجات مذکور مسند
 تجلیکام ارواحك عالم غیب ، و جلالت ربانیه حضر اتك ده
 غیب الغیب اولدینی آشکار و مثبت و (ان الله سبعین حجاً
 من النور لو كشفها لا حرق سبحات وجهه كل مآدرک
 البصر) حدیث شریفی دخی درجات مذکوریه اشارتدر .
 اشبو مقدمه ایله معراجك عالم شهادتدن جهان غیبه او-
 رادن ده کشورستان غیب الغیبه طوغرو ایکی قسمدن عبارت
 بر سفر علوی اولدینی و بونلرك کلمات برهانیه و حقائق
 یقینیدن بولندینی آکلا شلدقندن صکره مقصدمزه رجوع
 ایلیلم :

جناب سرور انیا و محرم اسرار مالوخی علیه الصلوات
 والسلام اقدم معراج مقدسك غیب الغیب اقرسندن عالم
 شهادته معاودت بیسوره جفی اثناده ! الھی ! وطنته عودت
 ایلیان مسافر اصحاب و احبابی ایچون هدیه به محتاج اولور .
 سیاقنده عرض نیاز ایلشدر ایدی . بنابرین صلوات مکتوبه :
 امت اسلامیه نامنه برتخته کرانهای الھی اوله رق و ساطت
 سنیه نبویه ایله احسان بیورلشددر . چونکه بونور ساطع :
 افعال و اذکاری ایله معراج جسمانی و روحانی جامعدر .
 ای مؤمن موحد ! قره العین عارفین اولان بومعراج مینه
 توسل ایلنجه اولاً طهارت کامله به رعایتکار اولمیلک ! زیرا
 مقامك حضور خاص الوهیت و ساحه جلیل قدسیتدر .
 لباس و بدنك پاك اولمیلدر چونکه (وادی مقدس) ده
 بولنیورسك ! برده برابرکه برسانحه ملكیه ایله بروسوسه
 شیطانیه ، بر دین و دنیا ، بر خیر و شر ، بر عقل و هوا
 و هکذا اخلاق و صفات متضاده واردر دقت ایت ! هانکی
 طرفه اتحاد ایدجسك ! مراقت مستحکم اولنجه مفارقت
 معتذر اولور . ایشته صدیق اکبر صحبت سنیه نبویه
 اختیار ایلدیکندن دین و دنیاده ، قبر و قیامتده و فردوس
 اعلاده دخی آیریلدی و آیرلیمه جقدر . (یا ایها الذین امنوا

الوهیت و بونازنین دلارای حقیقتك جمال و کمالدن روکردان
 غفلت اولان اخوان دینك نظر کاه عبرتلیزیه برتخته درویشانه
 اولیق اوزره صلوات مکتوبه نك اسرار و اشارتندن برنبده
 مغنویه نك قدیم و اتخافی مناسب کورلمش و علمای ربانینك
 مقالات کزینی آراسندن امام فخرالدین رازی حضر تلیزینك
 تفسیر کیرلرنده بیان بیوریلان تفصیلات عارفانه لری انتخاب
 ایدلشددر :

سرور کائنات علیه افضل التحیات اقدم حضر تلیزینك
 ظاهری و باطنی عالمینده ایکیشر معراج مقدس لری واردر .
 معراج ظاهرینك بری مسجد الحرام آلهیدن مسجد اقصایه
 و دیگر ی دمه مسجد اقصادن ملکوت علیایدر . معراج باطنینك
 دخی بری عالم شهادتدن کشورستان غیبه و دیگر ی ایسه
 اورادن جهان غیب الغیبه در . غیب ایله غیب الغیب (فکان
 قاب قوسین) آیت کریمه سیله اشارت بیوریلان کذرکاه
 جناب رسالت و (اودانی) صنعت مجله سی ده فنای نفسیدن
 عبارتدر .


عالم شهادتدن عالم غیبه انتقال ایتك خصوصه کلنجه : جسم
 ایله جسمانیاته متعلق اولان هر برتنی محسوس و مشهود اولمغه
 عالم شهادتدن در روح عالم ارواحه اعتلا سی غیبه طوغرو بر ستر
 مغنویدر . عالم ارواح ایسه نامتناهی بر جهان غیب الیهدر . زیرا
 مراتب روحیه نك تنهاسی ارواح بشریه در . بوندن
 صوکره سماواتك و بونلری محیط اولان کرسی عظمتك
 درجات رفیه لرند بولنان ارواح عالیهر . بونلرك یوقارو-
 سندده (و ترى الملائکته حافین من حول العرش) نظم
 جلیلنده بیان بیوریلان ملائکه کر امك ارواح طاهره سیدر .
 بونلرك فوقنده ایسه کیندجکه علویت و عظمتك تزییدیه
 (و یجعل عرش ربك فوقهم یومئذ ثمانیه) آیت جلیله سی
 اوزره حله عرش ربانی فرمانبر زدانیدر . بونلرك ده
 فوقنده (و من عنده لا یستکبرون عن عبادته) و (یسبحون
 اللیل والنهار لا یغترون) آیات عظیمة الشاننده توصیف
 بیوریلان و تعلقات جسمانیه دن آزاده اولان ارواح مقدسه
 علویه در . بوهیت روحانیه نك طعام و شرابی ذکر محبت
 انس و انبساطی شوا و محدث ذوق و لذتی ده دائماً جناب کبریا به

اتقوالله وكونوا مع الصادقين (خطاب آللهیستی اونومه! ظاهرى وباطنى طهارت كامله ره عايشكار اولدقدن صكره (وجهت وجهى للذى فطر السموات والارض ...) آيت جليله سنك تلاوت ودرائتله ماسواى آللهینى كوكلدن جبار! رفع یدین ايله دنيا واخرايه وداع ایت! بونلردن بوتون كلیت و موجودیتكه منقطع اول! عقلكى، روحكى، ذكر و فكركى بستانون جناب كبریاه توجیه ايله! (الله اكبر) كلمه طیبه سنك تلفظ و ملاحظه سیله ذات اقدس الوهیتك موجوداتك كافه سندن دها بونوك و دها بونوك دیمك زده بونوك اولدیغنى دوشون! وشان الوهیه شایان اولان (سبحانه الله و بحمده) جمله جلیله سیله تسبیحات مقدسه باشلا! بومقام عبودیتده حضور قلبه عايشكار اوله یلیرسهك سبحات جلال ربانیتك انوار باهره سی نمایان اولتجه (و تبارك اسمك) جمله مبارکسیله مقام تحمیده انتقال ایش اولورسك. و بومقام عالیله ازل وابدك شععه عظمتی منجلى و نكشیف بولورسك. بوندن سوكره (و تعالى جلك) ثناء علویسی ايله صفات جلال و نموت كمال آللهینى مقدار مذكور ايله محصور اولمقدن دخی تزییه و تقدیس ایت! بعده (والا اله غیرك) توحید حقیقیسی ايله اوصاف جلال و سمات كلكك یالكنز ذات اجل و اعلايه مخصوص اولدیغنى لسان و جان ايله اقرار و تصدیق ايله! ایشه بو اذكارك وظائف عبودیتكاریسى كاپیغنى ایفایدنجه عظماى انبیا و مرسلینك و اكابر ملائكه مقربینك معارج قدسیلرنی جمع ایش اوله جقسك. زیرا: (وجهت وجهی ...) حضرت ابراهیم علیه السلامك و (سبحانه الله ...) دخی ملائكه مقربین ايله سید الاوایین و الاخرین افندمن حضرت تلرینك معارج روحانیلریدر. بو موقیت عظیمة معنویه اوزرینه (اعوذ بالله من الشيطان الرجیم) استعاذه سیله رحمت آلویهیه صیغنه رفق نكسه طاری اوله یلجهك عجب و غرورك ازاله سنه اقدام ایت! شو وجه اوزره مقام معرفتده بولدیغندن ابواب جنانك برنجیسی اولان باب معرفت قبلهگاه روحانیتده آچلمش اوله جقدر. بیدرنی آچیله جق اولان ابواب متبایه منك ایكنجیسی (بسم الله

الرحمن الرحیم) ايله باب ذكر اوچنجیسی (الحمد لله رب العالمین) ايله باب شكر دردنچیسی (الرحمن الرحیم) ايله باب رجا بشننجیسی (مالك يوم الدين) ايله باب خوف آلتنجیسی (اياك نعبد و اياك نستعين) ايله باب اخلاص یدنجیسی (اهدنا الصراط المستقیم) ايله باب دعا سكرنجیسی (صراط الذین انعمت عليهم غیر المغضوب عليهم ولا الضالین) ايله باب فتوا و اهتدادر. بو آیات كریمه یی بروجه مذكور عرفان و حضور ايله تلاوت ایده یلیرسهك (جنات عدن مفتحة لهم الابواب) آیت كریمه سنه و ایه منند مظهریت اولور. و عقاید مذكوره روحانیه ايله جنات معارف ربانیه یی پیشگاه بصیرتده آچلمش بولورسك. ایشه بوترقی نورانی نمازك معراج ركزیده روحانیسیدر. معراج لطیف جسمانییه كلنجه اول (يوم يقوم الناس لرب العالمین) نص میتنده بیان بیورلدی اوزر اهل قیامت كی برقیام خاشعانه ايله بارگاه احدیتده استاده موقف عبودیت اولمیسك. بعده تسبیحی، فاتحه شریفه یی و آیات مباركه یی تلاوت ایلدكه عبادت واقعه یی غایت ناچیز كوره یلمك ایچون آنی دائماً عظمت ربانیه جانبندن ملاحظه ایتلمك. شاید عبادت واقعه جانبندن عظمت ربانیه یی ملاحظه ایده جك اولورسهك زمره هالكنه التحاق ایلرسك. ایشه بودوقه مهعه (اياك نعبد و اياك نستعين) آیت كریمه سنك سرلطیفیدر. وظائف قیامت خاتمه طوغره برخشب باره مثابه سنده بولان وجودك جلالت ربانیهك آتش خوف و خشیه به آرق بوشامش اوله جقدر. حضور باریده ركوع ايله اوخشب باره موجودتی انخا پذیر عبودیت ایت! صكره بو وجود منحنی (سمع الله لمن حمده) اذكاريله ترك ایلدكه یردها طوغراسون. زیرا بودن مبین غایت متیندر. دائماً رفق ايله حركت ایتلی و عبادات آللهیه نفسك سامت و سلانندن صاقلیمیدر. احادیث شریفه ده (المبت لا راضاً قطع ولا ظهراً ابقي) بیورلمشدر. مال منی: خیرله قوشان نیول آبر نهده برواسطه سروسفر راقبر دیمكدر. تكرار استقامته عودتدن صكره تواضعك درجه نهاییسه سجدهگاه عبودیته قیامتلیسك. سجده عودیتك بواقرب

معنوی بی شکمانده (سبحان ربی الاعلی) تسبیحات مبارکه .
 سنک غایه علویله ذات اعلا واجل عزوجل حضرت تری
 تقدیس ایت ! شوصورتله سجدۀ ثانیہ دہ ادا ایلینجه
 رکوع وسجدتین ایلہ اوج درلوطاعت آلیہیہ نائل اولمش
 بولنیورسک که بولنرک هر بریله بر عقبه مهلکدن رهیاب نجات
 اوله جقسک . رکوع ایلہ عقبه شهوتدن . سجدۀ اولی ایلہ
 عقبه غضبتدن . سجدۀ ثانیہ ایلہ دخی عقبه هوی وهوسدن
 صون وسلامت بوله جقسک . طاعات ثلاثه کامله نیک برکات
 شامله سبله عقبات مذکوردهن مرور ایدینجه درجات عالیه
 وباقیات صالحیه بلوصول فرمانفرمای اکوان تعالی وتقدس
 حضرت تربتک درکا . عظمتته وایه مند نزول اولورسک
 بناء علیه (التحیات والصلوات والطیبات) اثنیه حمیلہ یلہ
 وظیفه عبودیتی اتمام اتیلیسک . (التحیات لله) لسانک
 (والصلوات) ارکاکک (والطیبات) دخی جان وایمانک
 وظائف شکران ومحمد تلبدر .

بویله جه بوشاهرا عایلیک سرحد تعالیسه واصل اولدیفک
 اشناده روحک اعتلا ایده جک وسکا متوجه بولان
 روحانیت مقدسه محمدیه ایلہ تلاقی ایله جکدر . روح وربحانک
 تجلی بخشای عواطف اولدینی بر زمان سعادتنر . هر حالده
 روح اقدس نبوی به بر تحفه علویته عرض وتقدیمی لازمدر .
 (السلام علیک ایها النبی ورحمة الله وبرکاته) خطابیله وجیبه
 آدابی کایدی ایفا ایملی ومخاطب ذیشانک جلالت قدرینی
 دوشو ملی در . اومخاطب ذیشانک (السلام علینا وعلی عبادالله
 الصالحین) جواب نور افشانی سامعه زیب عبودیتک اوله جقدر .
 بوخیر عظیمه نائل اولدقدن صکره بولنرک وسیله ینکانه سی
 بولان (اشهد ان لا اله الا الله واشهد ان محمدا عبده ورسوله)
 کلمه طیبه سنی تذکار ایت ! بولکه مبارکه فی سکا اهدا ایتمکله
 وسیله هدایت وسعادتک اولان جناب رسالتاب علیه الصلوات
 والسلام اقدمنه سنک طرفندن ده برهیدیه تقدیم ایدلمبدر .
 (اللهم صل علی سیدنا محمد وعلی الله سیدنا محمد) صلوات
 شریفه یلہ بووظیفه نظیفه فی ده ایفا ایت ! بعث مقدسه
 نبویه جقدنه حضرت ابراهیم علیه السلامک (ربنا وابعث
 فیهم رسولا مهم) دعای مستجابی ده اوتوتمه ! اونجی



اخلاقیه صوفیه

اکابر ائمه اسلامیہ واجله علمای صوفیهدن قطب
 ربانی امام عبد الوهاب شرانی حضرت تری معاصری بولان
 سلطان سلیمان قانونیک دور سلطنتده خطه مصریه نیک
 مأمورین عثمانیه سی طرفندن خزینۀ دولتک امور وحقوق
 متروکسی تفتیش واصلاح ایدلدیکی اشناده بوتشبات واصلا .
 حات اساسیهدن اقتباس ایدلدیکی عبرت معنوی ایلہ شریعت
 غرای محمدیه نیک متروک ومندرس اولان معالم اخلاقیه سنک
 تفتیش واصلاحی خصوصنده علمای معاصرینک غفلتلی نظر
 دقت عارفانه لرینه چارشمی وغیرت ایمانیہ مقتضاسیله علمای
 ظاهر وباطنک دولت معنویه لرندۀ عارضۀ اهل واندراسه
 اوغرایان اومعالم دینیته نیک تفتیش واحیامی نیت خالصانه یلہ
 (تبیه المعتبرین) نام هدایت قریبی ایلہ برکتساب لطیفک
 تألیفه موفق اولمشدر . بوکتاب جلیلک مطالعه سنی عموماً
 اهل اسلامه وخصوصاً فقها وصوفیه جدأ نافع وارباب
 اخلاص واثقا ایلہ اشحاب کذب وریائی تبیین ایدیشی بر
 سیف قاطعدر . بناء علیه اوجیوز الی سنه مقدم بر احتیاج
 مبهم اوزرینسه تألیف ایلہ اخلاقیه یادکار ایدیلان بو اثر
 قیمتدارک مضامین عالیه سنک فهرست مندرجامتزده داخل